

DECRETO NÚMERO 19000863 DO 07/02/2019

Ilmo. Sr. Don XOSE DANIEL PIÑEIRO VILLARES, Tenente de Alcalde-Delegado da Área de Desenvolvemento Sostible e Persoal do Excmo. Concello de Lugo.

A Xunta de Goberno Local do Concello de Lugo, na sesión extraordinaria celebrada o día 23 de decembro de 2016, adoptou o acordo número 1/848, polo que se aprobou a oferta de emprego público para o ano 2016, e nos seu anexo figuran, entre outras, as seguintes prazas de persoal funcionario:

-Grupo C1: escala de administración especial. Número de vacantes: 1 (quenda de promoción interna). Denominación: sarxento bombeiros.

O dito acordo foi publicado no BOP de Lugo número 299, do 30 de decembro de 2016, e DOG número 40, do 27 de febreiro de 2017.

Visto que a Xunta de Goberno Local do Concello de Lugo, na sesión ordinaria celebrada o día 5 de abril de 2017, adoptou o acordo número 6/174, de modificación da oferta de emprego público para o ano 2016, e no seu anexo figuran, entre outras, as seguintes prazas de persoal funcionario:

-Grupo C1: escala de administración especial. Número de vacantes: 1 (quenda de promoción interna). Denominación: sarxento bombeiros.

O dito acordo foi publicado no BOP de Lugo número 099, do 2 de maio de 2017, e DOG número 127, do 5 de xullo de 2017.

A Xunta de Goberno Local do Concello de Lugo, na sesión ordinaria celebrada o dous de xaneiro de dous mil dezanove, adoptou, entre outros o seguinte acordo 5/5 PROPOSTA DE BASES ESPECÍFICAS PARA O ACCESO EN PROPIEDAD A UNHA PRAZA DE SARXENTO BOMBEIRO, PERTENCENTE AO CADRO DE PERSOAL FUNCIONARIO DO EXCMO. CONCELLO DE LUGO, QUENDA DE PROMOCIÓN INTERNA (OEP 2016).

Esta Concellería, en virtude das atribucións conferidas á Alcaldía polo artigo 124 da Lei 7/1985, do 2 de abril, reguladora das bases do réxime Local e tendo en conta o Decreto número 16005312, ditado o 5-07-2016, modificado polo Decreto número 18003431 do 26-04-2018, **RESOLVE:**

PRIMEIRO.- Convocar o proceso selectivo mediante o sistema de concurso-oposición, para o acceso en propiedade a unha praza de Sarxento de Bombeiros pertencente ao cadro de persoal funcionario do Excmo. Concello de Lugo, quenda de promoción interna, que se rexerá tanto polas "BASES XERAIS PARA O ACCESO EN PROPIEDAD A PRAZAS VACANTES PERTENCENTES Ó CADRO DE FUNCIONARIOS E PERSOAL LABORAL DO EXCMO. CONCELLO DE LUGO, EN QUENDA DE PROMOCIÓN INTERNA", aprobadas pola Xunta de Goberno

PERSOAL

MLP/egp

Refª: 1549531091418.doc

Asunto: Convocatoria proceso selectivo

Local o día 2 de xuño de 2010 e modificadas polo citado órgano o 22 de decembro de 2010 e 15 de outubro de 2014, e publicadas integramente no BOP de Lugo número 256, do 7.11.2014, como polas bases específicas aprobadas por acordo 5/5 da Xunta de Goberno Local deste Concello adoptado na sesión do 2.01.2019, que seguidamente se transcriben:

BASES ESPECÍFICAS PARA O ACCESO EN PROPIEDAD A UNHA PRAZA DE SARXENTO BOMBEIROS PERTENCENTE Ó CADRO DE PERSOAL FUNCIONARIO DO EXCMO. CONCELLO DE LUGO, QUENDA DE PROMOCIÓN INTERNA

1º.- **OBJECTO.-** É obxecto das presentes bases específicas a regulación dos aspectos particulares do proceso de selección para o acceso, como funcionario de carreira, a unha praza de Sarxento Bombeiros, do cadro de persoal funcionario do Excmo. Concello de Lugo, en todo o que non estea previsto nas “BASES XERAIS PARA O ACCESO EN PROPIEDAD A PRAZAS VACANTES PERTENCENTES Ó CADRO DE FUNCIONARIOS E PERSOAL LABORAL DO EXCMO. CONCELLO DE LUGO, EN QUENDA DE PROMOCIÓN INTERNA”, aprobadas pola Xunta de Goberno Local o día 2 de xuño de 2010 e modificadas polo citado órgano o 22 de decembro de 2010 e 15 de outubro de 2014.

Ditas bases foron publicadas íntegramente no Boletín Oficial da Provincia de Lugo, nº 256, de data 7 de novembro de 2014.

2º.- CARACTERÍSTICAS DA PRAZA

- a) Denominación da praza: Sarxento bombeiros
 - b) Grupo C (Subgrupo C1)
 - c) Outras características: administración especial.
- Subescala: servizos especiais.
Clase: servizos de extinción de incendios.

3º.- **SISTEMA SELECTIVO.-** De conformidade co previsto nas bases xerais aprobadas por este Concello de Lugo, o sistema selectivo será o de concurso-oposición.

4º.- TITULACIÓN E OUTROS REQUISITOS ESIXIDOS PARA O ACCESO Á PRAZA:

- a) Título de bacharelato superior ou equivalente.
- b) Ser empregado público do Concello de Lugo con praza en propiedade, pertencente ó grupo inmediatamente inferior da clase da praza ofertada, e ter unha antigüidade mínima de dous anos no grupo dende o que se promociona.

5º.- SOLICITUDE DE PARTICIPACIÓN.

As solicitudes para participar no correspondente proceso selectivo haberán de axustarse ó modelo aprobado polo Excmo. Concello de Lugo e os aspirantes

manifestarán nelas, de xeito expreso, que reúnen todas e cada unha das condicións de admisión previstas nestas bases específicas e nas xerais aprobadas pola Xunta de Goberno en sesións do 2 de xuño de 2010, 22 de decembro de 2010 e 15 de outubro de 2014 para o acceso en propiedade a prazas pertencentes ó cadro de funcionarios do Concello de Lugo en quenda de promoción interna.

Os interesados e interesadas en participar no correspondente proceso selectivo deberán presentar instancia dirixida á Excm. Sra Alcaldesa no Rexistro Xeral do Concello de Lugo; así mesmo, poderán remitirse na forma establecida no artigo 16 da Lei 39/2015, de 1 de outubro do procedemento administrativo común das Administracións Públicas (coa excepción establecida na disposición final séptima da mesma).

O prazo de presentación de instancias será de vinte días hábiles contados dende o seguinte á publicación do anuncio da convocatoria no Boletín Oficial do Estado.

Así mesmo, na solicitude de admisión ó concurso-oposición deberán alegar los méritos que posúan de entre os especificados na base décimo terceira das bases xerais anteriormente citadas de acordo coa modificación aprobada pola Xunta de Goberno Local o 22 de decembro de 2010 e acompañar á dita solicitude os certificados e títulos ou diplomas acreditativos de tales méritos, sen que o tribunal poida valorar méritos diferentes dos alegados na solicitude ou insuficientemente acreditados, sen que proceda a concesión de prazos ós solicitantes para a corrección de tales deficiencias.

6º.- FASE DE CONCURSO. Consistirá na valoración dos méritos alegados e acreditados polos aspirantes no momento de presentación das instancias. Os méritos serán valorados de acordo co baremo que se establece na base décimo terceira das xerais aludidas na base anterior.

7º.- PROBAS SELECTIVAS.

As probas selectivas que deberán supera-los aspirantes á praza á que se refiren as presentes bases específicas son as seguintes:

A) DE CARÁCTER OBRIGATORIO E ELIMINATORIO.

A fase de oposición consistirá nun total de dúas probas, de carácter obligatorio e eliminatorio.

1.-. Proba teórica. Consistirá na contestación dun total de 20 preguntas curtas sobre o temario específico. O tempo total do que disporán os candidatos/as será de dúas horas e media. Cada pregunta será valorada cun máximo de 0,2 puntos, sendo preciso acadar un mínimo de 2,5 puntos para superar a proba.

PERSOAL

MLP/egp

Refª: 1549531091418.doc

Asunto: Convocatoria proceso selectivo

2.- Proba práctica. Consistirá no desenvolvemento dun caso práctico, no que se poderán presentar diversas situacións relacionadas coas responsabilidades do posto de sarxento de bombeiros. O tempo total do que disporán os candidatos/as será de dúas horas e media. A puntuación máxima que se poderá acadar nesta proba será de 4 puntos, debendo acadarse un mínimo de 2,5 puntos para superala.

B) COÑECEMENTO DA LINGUA GALEGA.

Acreditarase o coñecemento da lingua galega de acordo co establecido no artigo 51 da Lei 2/2015, do 29 de abril, de emprego público de Galicia. Realizarase unha proba de coñecemento da lingua galega que fixará o órgano de selección atendendo á categoría e ás funcións da praza. Este exercicio puntuarase como apto ou non apto.

Estarán exentos da realización deste exercicio aquelas persoas aspirantes que acheguen, no prazo regulamentario de presentación de solicitudes, o título CELGA 4 ou equivalentemente debidamente homologado, correspondente ao nivel de estudos esixidos para participar nas probas selectivas, segundo a Orde de 16 de xullo de 2007, pola que se regulan os certificados oficiais acreditativos dos niveis de coñecemento da lingua galega, modificada pola Orde do 10 de febreiro de 2014.

A cualificación final de cada aspirante será a resultante da suma das cualificacións de cada un dos exercicios obrigatorios e eliminatorios.

8º.- PROGRAMA TEMARIO DE MATERIAS ESPECÍFICAS

- 1.- Fundamentos do lume: lume e combustión. Propagación e clasificación dos lumes.
- 2.- Mecanismos de extinción de incendios. Axentes extintores, sólidos, líquidos e gaseosos, características e campo de aplicación.
- 3.- Aparatos extintores de incendios. Fixos e portátiles, definición, clasificación e identificación. Mantemento. Normativa aplicable.
- 4.- Toxicidade dos lumes: os produtos de combustión.
- 5.- Hidrostática. Presión hidrostática. Equilibrio dun fluido no campo gravitatorio. Medida de presión. Centro de presións: estabilidade en flotación e somerxidos.
- 6.- Hidrodinámica. Movemento laminar e turbulento. Caudal, empuxe e persa de carga. Variación de caudal.
- 7.- Bombas centrífugas. Tipos e características das bombas utilizadas nos S.E.I.S. (Servizos de Extinción e Salvamentos). Normativa aplicable. Descrición e funcionamento. Cavitación e golpe de ariete das bombas centrífugas.
- 8.- Flash over: concepto, características, tipos, condicións para que se produza, causas e efectos.
- 9.- Propagación do lume na edificación. Elementos constructivos e a propagación do lume: fachadas, caixas de escaleiras, conductos de instalación de aire acondicionado, conductos verticais de instalación, falsos teitos. Sistemas de selado.

- 10.- Protección respiratoria en ambientes con riscos derivados dun incendio: tixidade e riscos. Equipos de protección respiratoria: clases e características. Normativa. Normas de actuación.
- 11.- Intervencións de orixe eléctrico, procedemento nas actuación. Métodos de extincións: redes eléctricas, centros de transformación, instalación de baixa tensión nos edificios, máquinas eléctricas...
- 12.- Métodos de salvamento. Rescate de vítimas en accidentes de circulación. Material de corte, separación e de elevación, bomba hidráulica e manual. Medidas de seguridade. Técnicas de rescate. Señalización. Rescate en medios acuáticos. Material e técnicas de rescate en superficie.
13. Motores de explosión e de combustión interna. Características, componentes principais e funcionamento. Perigos que ofrecen fronte os riscos de lumes.
- 14.- Sistemas de comunicación en emerxencias: organización e características. Sistemas PMR: configuración e ventaxas fronte a outros sistemas de acceso público. Sistemas dixitais : DMR e tetra.
- 15.- Tipos de vehículos dos SEIS. Normativa aplicable. A conducción de vehículos de emerxencia. Prioridades de paso.
- 16.- O concepto de tren de saída. Tipos. Vehículos: tipos e características. Equipos de protección persoal: características. Normativa. Seguridade na intervención.
- 17.- Equipamento dos vehículos dos SEIS. Mangueras e lanzas. Bifurcacións. Reducións. Racores. Monitores. Material para a formación de espuma. Escalas manuais. Hidroexector e turbobomba. Cámara térmica. Exploxímetros e detectores de gases. Normativa aplicable.
- 18.- Código Técnico da Edificación.SI-SUE- Propagación exterior e propagación interior. Evacuación de ocupantes.
- 19.- Código Técnico da Edificación. Instalacións de Protección contra incendios. Intervención dos bombeiros. Resistencia ó lume da estrutura.
- 20.- Regulamento de seguridade contra incendios nos establecementos industriais. RD 513/2017, polo que se aproba o Regulamento de instalacións de protección contra incendios.
- 21.- Instalacións de protección contra incendios: medios manuais de extinción; instalación de detección e alarma, instalacións fixas de extinción automática.
- 22.- Comportamento das estruturas e elementos construtivos ante o lume: clasificación dos materiais e elementos de obra pola súa resistencia ao lume. Comportamento dos mesmos. Comportamento das estruturas fronte o lume. Crados e illamento e protección das estruturas nos seus diversos elementos.
- 23.- Estado de ruína: distinción entre ruína incipiente e inminente. Características de cada unha delas. Síntomas e diagnósticos. Manifestacións externas das lesións. Declaración de estado de solidez.
- 24.- Lesións nos edificios: por asentamentos iniciais de obra ou por ceder o terreo, por aplatamento, rotación e corremento do terreo. Manifestacións. Tipos. Medidas correctoras de urxencia.
- 25.- Prevención e tratamento de movementos do terreo. Formas de traballo. Perigos na súa execución.

PERSOAL

MLP/egp

Refª: 1549531091418.doc

Asunto: Convocatoria proceso selectivo

26.- Regulamento de explosivos RD 130/2017. Clasificación dos explosivos. Medidas de vixilancia, control e prevención na fabricación e na almacenaxe. Regulamento de artigos pirotécnicos e cartuchería RD 989/2015.

27.- Explosións Bleve. Definición. Condicións nas que se producen. Consecuencias previsibles no caso de explosión. Principais produtos perigosos. Medidas preventivas. Definición dos fenómenos Frothover. Boilover e Slopover.

28.- Investigación de incendios.

29.- Incendios forestais. Tipos de incendios forestais. Prevención, vixilancia e detección. Sistemas de extinción. Obrigas dos bombeiros dos parques urbanos nos incendios forestais en Galicia.

30.- Produtos químicos perigosos. Clasificación. Características xerais. Propiedades máis comúns.

31.- Avaliación do risco químico nos casos de emerxencia. Análise da gravidade da emerxencia. Tipos de emerxencia segundo o produto involucrado. Información preliminar. Toma de datos no lugar da emerxencia. Medios a utilizar e eliminación de residuos.

32.- Transporte de mercadorías perigosas. Sinalización dos vehículos e contenedores que transportan mercadorías perigosas. Panel laranxa e etiquetas (segundo regulamentos RID e ADR). Actuacións no caso de accidentes. Protocolos de intervención. Directiva Seveso II, RD 840/2015, polo que se aproban medidas de control dos riscos inherentes aos accidentes graves nos que interveñan substancias perigosas.

33.- Regulamento sobre a industria petrolífera. Estacións de servizo.

34.- Norma básica de Autoprotección dos centros, establecementos e dependencias dedicados a actividades que poden orixinar situacións de emerxencia. Decreto 171/2010, sobre plans de Autoprotección na Comunidade Autónoma de Galicia. Rexistro dos Plans.

Lei de espectáculos públicos e actividades recreativas de Galicia. Catálogo

35.- *Lei 17/2015 do Sistema Nacional de Protección Civil* e a normativa básica de Protección Civil. Plans de Protección Civil.

36.- O Plan Territorial de Protección Civil da Comunidade Galega (PLATERGA). Estructura do Plan e aspectos principais. Aplicación no Concello de Lugo

37.- O Plan de Emerxencias Municipal do Concello de Lugo e normativa municipal relacionada con actividades de risco (lumes de San Xoán, festas...) Plans de Actuación Municipal do Concello de Lugo.

38.- A Lei 5/2007, de Emerxencias de Galicia.

39.- Lei da Comunidade Autónoma de Galicia de prevención e defensa contra os incendios forestais. Plan Municipal de Prevención e defensa contra incendios forestais do Concello de Lugo. Plan Especial de Protección Civil ante incendios forestais da Comunidade Autónoma de Galicia. Principios xerais. Análise de riscos. Estructura, organización e funcións. Operatividade. Medios e recursos. Implantación e mantemento.

40.- Plans autonómicos ante situación de emerxencia: seca, nega, sismigal, transgal, inundacións,...

- 41.- Organización e funcionamento dos Parques de Bombeiros. Obxectivo e fins. Ámbito territorial. Estudio de funcións. O Parque de Bombeiros de Lugo. Avaliación e control de riscos, loita contra sinistros.
- 42.- O mando. Características do mando. Funcións fundamentais. As responsabilidades e delegacións. A motivación e tipos de motivación. Distribución e organización dos servizos.
- 43.- Dirección de siniestros. Organización da dirección de siniestros. Posto de mando. Compoñentes. Misións. Sectorización. Comunicacións. Organización e coordinación dos recursos. Proceso de toma de decisións en emerxencias.
- 44.- Lei de prevención de riscos laboráis. Aspectos fundamentais. Normativa sobre seguridade e saúde no traballo.
- 45.- Equipos de Protección Individual para bombeiros. Regulamentación aplicable.
- 46.- A formación do bombeiro. Conceptos, tipos e desenvolvemento dos plans de formación nos centros de traballo. Planificación de entramento e mantemento físico para bombeiros.
- 47.- Intervención psicolóxica en intervencións e desastres. Intervención en estrés postrauma. Apoio psicolóxico aos intervinentes. Reaccións do persoal de axuda e rescate.
- 48.- A Lei de procedemento administrativo: nocións básicas.
- 49.- Normativa de contratación administrativa aplicable no Concello de Lugo: nocións básicas.
- 50.- Ordenanzas e Bandos do Concello de Lugo. Plan Xeral de Ordenación Municipal. Redes de abastecemento e saneamento. Rede de distribución de gas natural. Plantas satélites de GN. Almacenamentos de GNL

9º.- LISTA DE RESERVAS

Unha vez finalizado o proceso selectivo para a cobertura definitiva de prazas como funcionario/a de carreira, confeccionarase unha lista pola orde de puntuación acadada por cada aspirante que non superou este, tendo en conta que para estar incluída/o nesta lista hai que, ao menos, aprobar o primeiro exercicio do proceso selectivo. A partir de todas as persoas que superaron este, sumaranse as puntuacións obtidas en cada exercicio, e así confeccionarase a lista para a cobertura de interinidades.

Esta lista de reservas caducará naquel momento no que como resultado dun proceso selectivo posterior para a mesma categoría sexa xerada unha lista máis actualizada.

10º.- RECURSOS

Contra o presente acto que pon fin á vía administrativa, de conformidade co previsto nos artigos 25 e 46 da Lei 29/1998 de 13 xullo, Reguladora da Xurisdicción Contencioso-Administrativa, poderá interpoñer recurso contencioso-administrativo,

PERSOAL

MLP/egp

Refª: 1549531091418.doc

Asunto: Convocatoria proceso selectivo

ante o Xulgado desta Orde de Lugo, no prazo de dous meses a contar dende o día seguinte ó da notificación.

Igualmente poderá interpoñerse, nos termos dos artigos 123 e 124 da Lei 39/2015, de 1 de outubro do Procedemento Administrativo Común das Administracións Públicas, recurso potestativo de reposición ante o mesmo órgano que dictou o acto no prazo dun mes contado dende o día seguinte á recepción desta notificación. Contra a resolución expresa do recurso de reposición poderá interpoñer-se recurso contencioso-administrativo no devandito prazo de dous meses.

Todo isto sen prexuízo de que poida interpoñer calquera outro recurso que estime conveniente.”

Segundo.- Procédase a súa publicación na forma legalmente establecida, facéndose constar que o presente acto pon fin á vía administrativa e que contra o mesmo podense interpoñer os seguintes recursos:

- Recurso potestativo de reposición previsto nos artigos 123 e 124 da Lei 39/2015, do 1 de outubro do Procedemento Administrativo Común das Administracións Públicas, ante o mesmo órgano que ditou o acto no prazo DUN MES, contado dende o día seguinte á publicación desta resolución.

- Recurso contencioso administrativo, nun prazo de DOUS MESES, contados a partir do día seguinte á publicación da presente resolución, ante o Xulgado do Contencioso Administrativo de Lugo (artigos 8, 25 e 46 da Lei 29/1998, de 13 de xullo, reguladora da Xurisdicción Contencioso-Administrativa), segundo a redacción dada pola disposición adicional décimo cuarta da Lei Orgánica 19/2003 de 23 de decembro, de modificación da Lei Orgánica 6/1985, do 1 de xullo, do Poder Xudicial.

Todo isto se prexuízo de que poida interpoñer calquera outro recurso que estime conveniente ao seu dereito.